



**KARATE SAVEZ KANTONA SARAJEVO**

**adresa:** Mis Irbina 8

**tel.** ++387 61 190 490

++387 61 147 187

**fax.** ++387 33 610 988

**e-mail:** kontakt@ksks.ba

**web:** www.ksks.ba

# TAKMIČARSKI PRAVILNIK

**SARAJEVO, decembar, 2009.**

## S A D R Ź A J

|     |  |    |
|-----|--|----|
| I   | OPŠTE ODREDBE .....  | 1  |
| II  | TAKMIČARSKA KOMISIJA .....                                     | 1  |
|     | (Djelokrug rada Komisije).....                                 | 2  |
| III | SLUŽBENI SISTEM TAKMIČENJA U KARATE SAVEZU .....               | 2  |
|     | (Klupsko prvenstvo - prvi stepen takmičenja).....              | 2  |
|     | (Prvenstvo takmičarskih grupa - drugi stepen takmičenja).....  | 2  |
|     | (Prvenstvo Kantona Sarajevo - treći stepen takmičenja).....    | 3  |
|     | (Takmičenja izvan službenog sistema takmičenja) .....          | 3  |
|     | (Organi koji obezbjeđuju sprovođenje sistema takmičenja) ..... | 3  |
| IV  | TAKMIČARSKE DISCIPLINE .....                                   | 3  |
|     | (B o r b e) .....  | 3  |
|     | (K a t e) .....  | 4  |
|     | (Uzrasne kategorije).....                                      | 4  |
| V   | TEŽINSKE KATEGORIJE.....                                       | 4  |
|     | (Pojedinačna takmičenja).....                                  | 5  |
|     | (Ekipna takmičenja) .....                                      | 5  |
|     | (Prijava za učešće na takmičenju).....                         | 6  |
|     | (Dokumenti takmičenja) .....                                   | 6  |
|     | (Ž r i j e b).....   | 6  |
| VI  | ORGANIZACIJA TAKMIČENJA.....                                   | 6  |
|     | (Određivanje mjesta održavanja takmičenja).....                | 6  |
|     | (Organizacija mjesta takmičenja).....                          | 7  |
|     | (Osiguranje sale).....   | 8  |
|     | (Uručivanje nagrada i medalja) .....                           | 8  |
|     | (I s h r a n a).....   | 8  |
|     | (Prostorija za odmor) .....                                    | 8  |
|     | (Zdravstvena zaštita) .....                                    | 8  |
|     | (Osiguranje takmičara).....                                    | 9  |
|     | (Vaganje i pregled dokumenata).....                            | 9  |
|     | (Ž a l b e).....   | 9  |
|     | (Dokumenti takmičara).....                                     | 9  |
|     | (Službena lica takmičenja).....                                | 9  |
|     | (Delegat takmičenja) .....                                     | 10 |
|     | (Sudije).....  | 10 |
|     | (Informiranje javnosti) .....                                  | 10 |
|     | (Disciplinske odredbe) .....                                   | 10 |
|     | (Finansijske odredbe) .....                                    | 11 |
| VII | ZAVRŠNE ODREDBE .....  | 11 |
|     | (Izmjene i dopune pravilnika).....                             | 11 |

Na osnovu člana 27, Statuta Karate saveza Kantona Sarajevo, usvojenog 11.06.2008. godine, Upravni odbor Karate saveza Kantona Sarajevo d o n o s i

## **TAKMIČARSKI PRAVILNIK KARATE SAVEZA KANTONA SARAJEVO**

### **I OPŠTE ODREDBE**

#### **Član 1.**

Ovim Pravilnikom definiraju se dužnosti i obaveze Takmičarske komisije, reguliše se službeni sistem takmičenja, težinske kategorije takmičara, način organizacije takmičenja, kao i uslovi i pravo učešća na takmičenjima Karate saveza Kantona Sarajevo (u daljem tekstu: Savez), na osnovu sljedećih dokumenata:

1. Zakona o sportu u Bosni i Hercegovini;
2. Statuta Saveza;
3. Pravila službenog sistema takmičenja u FBK, EKF I WKF;
4. Ostalih normativnih akata Saveza;
5. Uputstva i kriterijuma za održavanje međunarodnih i državnih takmičenja i skupova u Bosni i Hercegovini.

#### **Član 2.**

Na svim takmičenjima mogu učestvovati samo klubovi, ekipe i pojedinci uredno registrovani u Karate savezu Kantona Sarajevo, ukoliko ispunjavaju i ostale uslove predviđene ovim Pravilnikom.

#### **Član 3.**

Takmičenja na svim nivoima organizuje i sprovodi Savez preko Takmičarske komisije, u saradnji sa klubovima registriranim u Savezu. Tehničku organizaciju takmičenja Savez može povjeriti klubu ili za to specijalizovanoj organizaciji.

### **II TAKMIČARSKA KOMISIJA**

#### **Član 4.**

Takmičarska komisija je jedna od komisija Saveza, koja se osniva odlukom Upravnog odbora Saveza i sastoji se od predsjednika i dva člana komisije, izabranih iz klubova registriranih u Savezu.

Sastanke Takmičarske komisije (u daljem tekstu Komisija), koji se održavaju prema potrebi, a najmanje jednom kvartalno, saziva predsjednik Komisije.

Sastanak komisije se zakazuje obavještanjem članova Komisije, unaprijed dogovorenim načinom komunikacije, najmanje 7 (sedam) dana prije dana održavanja, a član koji ne prisustvuje zakazanom sastanku, dužan je u pismenoj formi obrazložiti svoj nedolazak.

Komisija na sastancima može punovažno odlučivati samo ukoliko su sastanku prisutni svi članovi Komisije. Sve odluke koje donosi Komisija, moraju biti donesene prostom većinom članova.

Na sastanku Komisije vodi se službeni zapisnik, koji vodi osoba koju odredi predsjednik komisije, i koji se potpisuje od strane predsjednika komisije i koji se dostavlja Upravnom odboru Saveza, najkasnije 7 dana nakon održanog sastanka Komisije.

## **Član 5.**

### **(Djelokrug rada Komisije)**

Komisija u svom radu ima sljedeće dužnosti i obaveze:

- odgovara za organizaciju i održavanje svih takmičenja koji se održavaju u okviru Saveza;
- priprema i predlaže Upravnom odboru Saveza godišnji plan rada komisije;
- priprema i predlaže Upravnom odboru Saveza izmjene i dopune Takmičarskog pravilnika;
- priprema i predlaže Upravnom odboru Saveza godišnji kalendar takmičenja;
- utvrđuje i predlaže Upravnom odboru Saveza *Listu delegata* takmičenja u organizaciji Saveza;
- delegira delegate za sva takmičenja u organizaciji Saveza;
- nadzor rada delegata na takmičenjima u organizaciji Saveza;
- određivanje sadržaja i forme dokumenata za takmičenja;
- prema potrebi organizira seminare za delegate;
- prema potrebi organizira Kantonalno takmičenje;
- tumači odredbe Takmičarskog pravilnika.

## **III SLUŽBENI SISTEM TAKMIČENJA U KARATE SAVEZU**

### **Član 6.**

#### **(Klupsko prvenstvo - prvi stepen takmičenja)**

Klupsko prvenstvo je prvi stepen takmičenja i osnov za sticanje prava učešća na drugom stepenu takmičenja.

### **Član 7.**

#### **(Prvenstvo takmičarskih grupa - drugi stepen takmičenja)**

Prvenstvo takmičarskih grupa je drugi stepen takmičenja. Broj i sastav takmičarskih grupa utvrđuje Upravni odbor Saveza, u zavisnosti od broja klubova koji učestvuju u sistemu takmičenja.

## **Član 8.**

### **(Prvenstvo Kantona Sarajevo - treći stepen takmičenja)**

Kantonarno prvenstvo, kao treći nivo takmičenja, organizira Karate savez Kantona Sarajevo. Takmičenje se organizuje na osnovu odredaba ovog Pravilnika, drugih normativnih akata i odluka Upravnog odbora Saveza. Pravo učešća imaju svi uredno registrovani klubovi i takmičari Saveza.

## **Član 9.**

### **(Takmičenja izvan službenog sistema takmičenja)**

Ovim Pravilnikom obuhvaćena su i sva takmičenja koja se održavaju izvan službenog sistema takmičenja.

Takmičenja izvan službenog sistema moraju biti prijavljena Savezu i odobrena od Takmičarske komisije.

Za organizovanje i održavanje ovih neslužbenih takmičenja, važe odredbe ovog Pravilnika.

Eventualna odstupanja od ovog Pravilnika moraju biti odobrena od Takmičarske komisije Saveza.

## **Član 10.**

### **(Organi koji obezbjeđuju sprovođenje sistema takmičenja)**

O Kalendaru takmičenja i ostalim takmičarskim aktivnostima Karate saveza Kantona Sarajevo, poštivanju odredaba ovog Pravilnika i ostalim pitanjima u vezi sa službenim sistemom takmičenja i takmičenjima izvan službenog sistema takmičenja, starat će se nadležni organ Upravnog odbora Saveza, odnosno Takmičarska komisija.

## **IV TAKMIČARSKE DISCIPLINE**

## **Član 11.**

### **(B o r b e)**

Kategorije takmičara koje nisu definirane Takmičarskim pravilnikom Karate saveza Bosne i Hercegovine:

- težinske kategorije za **dječake**, 11 i 12 godina starosti;
- težinske kategorije za **djevojčice**, 11 i 12 godina starosti;
- težinske kategorije za **muške nade**, 10 godina starosti;
- težinske kategorije za **ženske nade**, 10 godina starosti;
- težinske kategorije za **starije pionire**, 9 godina starosti;
- težinske kategorije za **starije pionirke**, 9 godina starosti.

## Član 12.

### (K a t e)

Kategorije takmičara koje nisu definirane Takmičarskim pravilnikom Karate saveza Bosne i Hercegovine:

- **nade dječaci**, 10 godina starosti, pojedinačno;
- **nade djevojčice**, 10 godina starosti, pojedinačno;
- **stariji pioniri dječaci**, 9 godina starosti, pojedinačno;
- **stariji pioniri djevojčice**, 9 godina starosti, pojedinačno;
- **pioniri m/ž**, 8 godina starosti, pojedinačno;
- **poletarci-dječaci**, 7 godina starosti i mlađe, pojedinačno.
- **poletarci djevojčice**, 7 godina starosti i mlađe, pojedinačno.

## Član 13.

### (Uzrasne kategorije)

Uzrasne kategorije takmičara koje nisu definirane Takmičarskim pravilnikom Karate saveza Bosne i Hercegovine, a odnose se na nade, starije pionirke/pionire i poletarce u I i II nivou takmičenja, nalaze se u sljedećoj tablici:

Tablica 2: **Uzrasne kategorije za Kate**, u pojedinačnoj konkurenciji (u isto vrijeme na tatamiju mogu raditi AKA I AO).

| UZRAST      | GODIŠTE          | I NIVO | II NIVO | EKIPNO |
|-------------|------------------|--------|---------|--------|
| Poletarci   | 7 godina i mlađi | Ž-O    | Z-P     | *      |
| Pioniri     | 8 godina         | Ž-O    | Z-P     | *      |
| St. pioniri | 9 godina         | Ž-O    | Z-P     | *      |
| Nade        | 10 godina        | Ž-O    | Z-P     | *      |

\* U ekipnim katama učestvuju sve kategorije djece, tj. jedna je kategorija za svu djecu od 7-11 godina.

Uzrasne kategorije su usklađene sa Pravilima FBK, EKF I WKF, utvrđuju se na dan održavanja takmičenja. Starosna granica za dječije kategorije utvrđuje se godinom rođenja i bojom pojasa.

Tolerancija za prekoračenje utvrđenih graničnih vrijednosti nema.

## V TEŽINSKE KATEGORIJE

## Član 14.

Težinske kategorije takmičara koje nisu definirane Takmičarskim pravilnikom Karate saveza Bosne i Hercegovine, a odnose se na muške/ženske nade i starije pionirke/pionire, nalaze se u sljedećoj tablici:

Tablica 2: **Težinske kategorije za Kumite** (za djecu koja su nosioci najmanje zelenog pojasa).

| <b>STARIJI PIONIRI</b><br>9 godina | <b>MUŠKE NADE</b><br>10 godina | <b>DJEČACI</b><br>11 i 12 god. | <b>STARIJE PIONIRKE</b><br>9 godina | <b>ŽENSKJE NADE</b><br>10 godina | <b>DJEVOJČICE</b><br>11 i 12 god. |
|------------------------------------|--------------------------------|--------------------------------|-------------------------------------|----------------------------------|-----------------------------------|
| - 30                               | - 35                           | -40                            | - 30                                | - 35                             | -40                               |
| - 35                               | - 40                           | -45                            | - 35                                | - 40                             | -45                               |
| + 35                               | - 45                           | -50                            | + 35                                | + 40                             | +45                               |
|                                    | + 45                           | +50                            |                                     |                                  |                                   |

\* *Borbe ekipno nisu uvrštene i ostavljaju se na odluku organizatoru.*

**Napomena:**

*Kategorije KATE M/Ž 11 i 12 godina starosti nije uvrštena, jer djeca tog godišta imaju pravo nastupa na ostalim takmičenjima, dok isto pravo nemaju za borbe, te su stoga uvršteni u kategoriji BORBE.*

Tolerancije za prekoračenje utvrđenih graničnih vrijednosti nema.

Kategorije se usklađuju sa pravilima WKF-a.

**Član 15.**

Na službenim takmičenjima u pojedinačnoj konkurenciji nije dozvoljen susret takmičara različitih uzrasnih i težinskih kategorija ni u borbama ni u katama. Izuzetak je moguć jedino u ekipnom takmičenju u katama, kada djeca, kadeti i juniori mogu nastupati i u višoj kategoriji.

**Član 16.**

**(Pojedinačna takmičenja)**

Zvanična prvenstva Kantona Sarajevo se održavaju po KUP sistemu, sa potpunim repasažom.

Prilikom žrijebanja mogu se određivati nosioci grupa.

**Član 17.**

Za nosioce grupa mogu se odrediti finalisti sa prethodnog kantonalnog prvenstva, ukoliko nastupaju u istoj disciplini i kategoriji.

**Član 18.**

**(Ekipna takmičenja)**

Ekipno prvenstvo Kantona Sarajevo održava se na osnovu propozicija koje su sastavni dio Pravila takmičenja – Sudijski pravilnik Karate saveza Bosne i Hercegovine i bliže definišu ekipna takmičenja.

## **Član 19.**

Takmičenja u Katama se održavaju u skladu sa ovim Pravilnikom, Pravilima kata takmičenja i odlukama Upravnog odbora Kantonalnog saveza.

## **Član 20.**

### **(Prijava za učešće na takmičenju)**

Na kantonalnim takmičenjima mogu učestvovati takmičari i ekipe uredno prijavljene od strane svojih klubova.

Oblik, sadržaj kao i vrijeme prijave određuje Takmičarska komisija. Klubovi moraju biti najmanje 30 dana prije održavanja takmičenja obaviješteni o mjestu održavanja, satnici i svim ostalim elementima vezanim za određeno takmičenje.

## **Član 21.**

### **(Dokumenti takmičenja)**

Na svim takmičenjima u Kantonu Sarajevo, za prijavu i nastup takmičara obavezno je da je takmičar i klub prijavljen i registrovan u Savezu, te da takmičar posjeduje takmičarsku knjižicu, sa unijetim i ovjerenim podacima o identitetu, registraciji i važećem ljekarskom pregledu.

## **Član 22.**

### **(Ž r i j e b)**

Žrijebanjem rukovodi delegat takmičenja.

Žrijebanje se može ponoviti samo pod uslovom da je prilikom žrijebanja uočena greška.

Odluku o ponovnom žrijebanju može donijeti samo delegat takmičenja.

## **Član 23.**

Žrijebanje se vrši uoči prvog dana takmičenja, a provodi ga delegat takmičenja u prisustvu lica zaduženog za administraciju takmičenja.

## **VI ORGANIZACIJA TAKMIČENJA**

## **Član 24.**

### **(Određivanje mjesta održavanja takmičenja)**

Ponude za održavanje takmičenja prikupljaju se na osnovu konkursa, koji se objavljuje u decembru tekuće godine, a odluka o tehničkom organizatoru, odnosno mjestu održavanja, donosi se u januaru naredne godine.

Ukoliko se za organizaciju Kantonalnog takmičenja putem konkursa ne prijavi organizator, ili Takmičarska komisija procijeni da prijavljeni organizatori ne ispunjavaju kriterije navedene u konkursu, tehničku organizaciju ovog takmičenja je dužan preuzeti Upravni odbor Saveza.

## **Član 25.**

Takmičarska komisija na osnovu prispjelih ponuda određuje tehničkog organizatora i mjesto održavanja svih takmičenja iz službenog sistema.

Istovremeno se određuje i rezervno mjesto održavanja, u slučaju da organizator takmičenja u prvoizabranom mjestu otkaže organizaciju.

## **Član 26.**

Nakon saopštavanja Odluke o izboru tehničkog organizatora Prvenstva, Takmičarska komisija ispred Saveza i tehnički organizator takmičenja potpisuju ugovor o pravima i obavezama tehničkog organizatora, odnosno Saveza.

## **Član 27.**

### **(Organizacija mjesta takmičenja)**

Sala za održavanje takmičenja mora da bude dovoljno prostrana da obuhvati najmanje dva borilišta dimenzija: 12m x 12 m. Ukupan broj borilišta na takmičenju određuje delegat takmičenja na osnovu broja prijavljenih takmičara.

Ostali uslovi takmičenja određeni su Sudijskim pravilima.

Organizator mora obezbjediti sjedišta za zvaničnike, sudije i takmičare. Za takmičare 200 sjedišta odvojeno od publike i 30 sjedišta neposredno uz borilišta za sudije, te 20 mjesta u središnjem dijelu gledališta za zvaničnike.

Ukupni kapacitet gledališta određuje Takmičarska komisija, posebno za svako takmičenje.

Organizator treba osigurati štampanje rasporeda takmičenja u dovoljnom broju primjeraka, kao i oglasnu ploču, na mjestu pristupačnom takmičarima i gledaocima, sa detaljnim rasporedom takmičenja.

Organizator mora postaviti na vidnom mjestu u sali obilježja Saveza i ostala prigodna obilježja.

## **Član 28.**

Organizator je dužan da obezbjedi podijum za pobjednike i da obezbjedi pravilnu i nesmetanu podjelu nagrada i medalja.

Preporučuje se da se medalje predaju na kraju svakog takmičenja u toku dana.

Organizator treba osigurati odgovarajući razglas u sali, putem kojeg se daju sve informacije o takmičenju.

## **Član 29.**

Takmičarski prostor mora biti ograđen, i u njega mogu ulaziti takmičari koji se takmiče u tom trenutku i ovlaštena lica.

Centralni zapisnički sto mora biti tako postavljen tako da ima osiguran neometan pregled svih borilišta.

## **Član 30.**

Tehnički organizator takmičenja pored ograđivanja takmičarskog prostora dužan je osigurati fizičku zaštitu: takmičarskog prostora, tehničkog dijela rezerviranog za centralni

zapisnički sto, prostora za dodjelu medalja i prostora za smještaj ostalih službenih lica takmičenja.

### **Član 31.**

#### **(Osiguranje sale)**

Pored fizičkog osiguranja takmičarskog i službenog prostora, organizator je u obavezi osigurati održavanje mira i reda u cijeloj sali za vrijeme trajanja takmičenja angažiranjem fizičkog osiguranja.

### **Član 32.**

U zavisnosti od takmičenja, Organizator je dužan da obezbjedi sva potrebna materijalna sredstva, u skladu sa odredbama ovog Pravilnika, Sudijskim pravilnikom i drugim aktima Saveza.

### **Član 33.**

#### **(Uručivanje nagrada i medalja)**

Nagrade i medalje uručuje predsjednik Saveza ili lice koje on ovlasti, u pratnji predsjednika Organizacionog odbora, ili drugog lica koje odredi Organizacioni odbor takmičenja.

### **Član 34.**

#### **(I s h r a n a)**

U službenom sistemu takmičenja Organizator nije dužan da obezbjedi hranu i smještaj za takmičare.

### **Član 35.**

#### **(Prostorija za odmor)**

Na svim takmičenjima koja traju duže od 4 sata, Organizacioni odbor takmičenja je dužan da obezbjedi posebnu prostoriju za odmor sudija, u kojoj će se posluživati hladna jela, hladni i topli napitci.

### **Član 36.**

#### **(Zdravstvena zaštita)**

Valjanost lješkarskog pregleda je 6 (šest) mjeseci.

Na svim takmičenjima u Kantonu Sarajevo, Organizator je dužan da obezbjedi bar jednog ljekara stalno prisutnog u sali za slučaj povrede, kao i vozilo ispred sale za takmičenje za prevoz povrijeđenog.

Ukoliko se ukaže potreba, Organizator je dužan da obezbjedi ljekarske usluge i izvan sale.

## **Član 37.**

### **(Osiguranje takmičara)**

Svi takmičari registrovani u Savezu moraju biti osigurani kod jednog od Zavoda za osiguranje.

Klub je dužan obezbjediti polisu osiguranja takmičara, kojom će se plaćati svi troškovi ljekarskih usluga i njege za takmičara koji su se povrijedili na takmičenju, a liječenje nisu osigurali na neki drugi način.

## **Član 38.**

### **(Vaganje i pregled dokumenata)**

Vaganje takmičara vrši delegat takmičenja uz prisustvo odgovornog lica za administraciju na takmičenju.

Vaganje se vrši samo jednom na atestiranoj vagi i to u danu kada takmičar nastupa, najkasnije jedan sat prije zvaničnog početka takmičenja.

Pregled takmičarskih dokumenata obavlja delegat takmičenja za vrijeme prijave takmičara uvidom u takmičarsku iskaznicu, uz prisustvo odgovornog lica za administraciju takmičenja.

Delegat je ovlašten da iz takmičenja isključi sve takmičare koji ne ispunjavaju uslove iz ovog Pravilnika u pogledu težine takmičara i valjanosti njihovih dokumenata.

## **Član 39.**

### **(Ž a l b e)**

Žalbe se podnose delegatu takmičenja u pisanoj formi uz uplatu takse za žalbu, u dvostrukom iznosu Sudijske takse.

Sve žalbe koje se pojave na takmičenju razmatraju: delegat takmičenja i Odbor za proteste (Komisija za žalbe), svako iz svog djelokruga rada.

Odluka donijeta po žalbi je konačna na tom takmičenju, a žalba na odluku se može podnijeti Arbitražnoj komisiji u roku od tri dana nakon održanog takmičenja, uz uplatu takse u visini petostrukog iznosa Sudijske takse.

## **Član 40.**

Žalbe u vezi registracije takmičara se uz uplatu predviđene takse podnose delegatu takmičenja najkasnije prije žrijebanja, a delegat je dužan žalbu riješiti odmah.

## **Član 41.**

### **(Dokumenti takmičara)**

Sadržaj i formu svih dokumenata takmičenja određuje Takmičarska komisija uz saglasnost Upravnog odbora Saveza.

## **Član 42.**

### **(Službena lica takmičenja)**

Službena lica na svim takmičenjima u organizaciji Saveza su:

- delegat takmičenja;
- sudije;
- ljekari;

Za sva takmičenja, u skladu sa odredbama ovog Pravilnika, službena lica delegiraju nadležne komisije Upravnog odbora Saveza.

Sva ostala lica, kao što su zapisničari, mjerioci vremena, potrebna za kvalitetnu organizaciju takmičenja, obezbjeđuje tehnički organizator takmičenja.

#### **Član 43.**

##### **(Delegat takmičenja)**

Delegata takmičenja određuje Takmičarska komisija Saveza, sa liste licenciranih delegata.

Listu delegata usvaja Upravni odbor Saveza, na prijedlog Takmičarske komisije, koja se utvrđuje za svaku kalendarsku godinu.

Delegat predstavlja ovlaštenu osobu ispred Saveza, koja je ovlaštena da rukovodi takmičenjem i da se stara da se organizacija, priprema i samo takmičenje odvija u skladu s odredbama ovog Pravilnika.

Nakon završetka takmičenja, najkasnije u roku od 5 dana, podnosi izvještaj o takmičenju Takmičarskoj komisiji, koji treba sadržati rezultate žrijebanja i konačne rezultate takmičenja po svim kategorijama.

#### **Član 44.**

##### **(Sudije)**

Za suđenje na takmičenjima u službenom sistemu takmičenja, odgovorna je Sudijska komisija Saveza, odnosno vrhovni sudija.

Na takmičenjima izvan službenog sistema takmičenja, za suđenje je odgovoran vrhovni sudija.

#### **Član 45.**

##### **(Informiranje javnosti)**

Organizator takmičenja je obavezan najmanje sedam dana prije obavijestiti javnost o održavanju takmičenja, dostavljanjem informacija svim relevantnim štampanim, elektronskim, kao i internetskim medijima. Isto tako je dužan odmah po održanom takmičenju, dostaviti izvještaj o održanom takmičenju i konačnim rezultatima.

Pod relevantnim medijima smatraju se svi sportski mediji i sve dnevne novine, radio i TV kuće, i internet portali koje djeluju u Kantonu Sarajevo.

#### **Član 46.**

##### **(Disciplinske odredbe)**

Za prekršaje učinjene u toku borbe, mjere suspenzije i ostale kazne izriče Sudijska komisija, uz saglasnost vrhovnog sudije.

Za prekršaje odredbi ovog Pravilnika i ostalih normativnih akata Saveza koji su u vezi s organizacijom takmičenja, koji su se dogodili prije, za vrijeme i poslije takmičenja, mjere

suspenzije i ostale kazne izriče delegat takmičenja. Nakon završnog takmičenja, o eventualnim izrečenim suspenzijama ili drugim kaznama Vrhovni sudija i delegat takmičenja u roku od 5 dana podnose detaljan izvještaj Upravnom odboru Saveza.

#### **Član 47.**

##### **(Finansijske odredbe)**

Sve finansijske obaveze vezane za takmičenja u Savezu regulisana su drugim normativnim aktima i odlukama Upravnog odbora Saveza.

## **VII ZAVRŠNE ODREDBE**

#### **Član 48.**

Za sve što nije regulisano ovim Pravilnikom ili drugim normativnim aktima i odlukama Saveza, a pojavi se na takmičenjima, odluku donosi vrhovni sudija i delegat, svako iz svog djelokruga rada.

#### **Član 49.**

##### **(Izmjene i dopune pravilnika)**

Izmjene i dopune ovog Pravilnika vrše se na način i prema postupku predviđenom za njegovo donošenje.

Tumačenje ovog Pravilnika ovlašteni su da daju:

- u prvom stepenu delegat takmičenja, za vrijeme trajanja takmičenja;
- u drugom stepenu Takmičarska komisija;
- u trećem stepenu Upravni odbor Saveza, kao konačno tumačenje.

#### **Član 50.**

Ovaj Pravilnik usvojen je dana 14.12.20109. godine, na 10. sjednici Upravnog odbora Saveza, i stupa na snagu 8 (osam) dana po usvajanju.

**PREDSJEDNICA UPRAVNOG ODBORA**

**Mr.sci.med.dr. Merita Tirić-Čampara**